



# Теңізшевройл Деректер мен дәйектер

2016 жылдың 1-жартысы бойынша қорытынды мәлімет

## Тарих/Қатысушылар:

- Әлемдегі ең терең және ірі мұнай кеніштерінің бірі болып саналатын Теңіз мұнай кеніші 1979 жылы ашылды.
- «Теңізшевройл» жауапкершілігі шектеулі серіктестігі (әрі қарай - ТШО) 1993 жылы 6 сәуірде Қазақстан Республикасы мен «Шеврон» компаниясы арасында жасалған келісім негізінде құрылды.
- ТШО-ның қазіргі кездегі серіктестері: «Шеврон» – 50%, «ҚазМұнайГаз» АҚ – 20%, «ЭксонМобил Қазақстан Венчурс Инк.» – 25% және «ЛукАрко Б.К.» – 5%.

## Өнім өндіру/Қорлар:

- Жалпы барланған қоры жөнінен Теңіз кенішінде 3,2 миллиард тонна (25,5 млрд. баррель), ал, Королев кен алаңында 200 миллион тонна (1,6 млрд. баррель) шамасында мұнай бар деп есептелінеді.
- Теңіз және Королев кеніштерінің алынатын мұнай қоры 800 миллионнан 1,3 миллиард тоннаға дейінгі мөлшерді (6,4 - 10,7 млрд. баррель) құрайды.
- Теңіз коллекторының шеңбері едәуір, ені 20 шақырым (12 миль), ұзындығы 21 шақырым (13 миль) құрайтын аумақты алып жатыр.
- 2008 жылы ТШО Шикі газ айдау және Екінші буын зауыты (ШГА/ЕБЗ) жобасын аяқтап, нәтижесінде мұнай өндірудің тәуліктік қуаты шамамен 75 000 тоннаға немесе 600 000 баррельге, ал, табиғи газ 22 миллион текше метрге немесе 750 миллион текше футқа жетті.
- 2016 жылдың бірінші жартысында мұнай өндіру көлемі 14,4 миллион тоннаны (114,8 миллион баррель) құрады.

## Денсаулық сақтау, өнеркәсіп қауіпсіздігі және қоршаған ортаны қорғау

- 2000 жылдан бері ТШО қоршаған ортаға әсерді азайтуға бағытталған жобаларға 3 миллиард АҚШ доллар көлемінде қаржы бөлді.
- Қазіргі таңда ТШО өндірілген газдың 97%-дан астамын кәдеге жаратуда.
- 2000 жылдан 2016 жылдың бірінші жартысына дейін зауыт сенімділігін арттыру шараларына жұмсалған инвестициялар зауыттардағы техникалық ақаулар санын және олар пайда болған кезде алауларда жағылатын шикі және қышқыл газ мөлшерін 98%-ға азайтуға ықпалын тигізді.
- 2000 жылдан бері өндірілген мұнайдың бір тоннасына шаққандағы атмосфераға жіберілген шығарындылардың көлемі 72%-ға азайды. Күрделі жобаларды жүзеге асыру және жабдықтардың сенімділігіне жасалған инвестициялар нәтижесінде ТШО аталған мерзім ішінде жылдық мұнай өндіру көлемін 2,5 есе өсірді.

## ТШО өнімінің өзге түрлері:

- 2016 жылдың бірінші жартысында ТШО сұйытылған газ сату көлемін 673 мың тоннадан асырып, құрғақ газ сату көлемін 3,67 миллиард текше метрге, ал күкірт сату көлемін 1,12 миллион тоннаға жеткізді.

## Қазақстан Республикасы үшін артықшылықтар:

- 1993 жыл мен 2016 жылдың бірінші жартысы аралығында ТШО-ның Қазақстанға тікелей қаржы төлемі тұтастай алғанда 114 миллиард АҚШ долларын құрады. Бұған ТШО-ның жергілікті қызметкерлеріне төленген еңбекақы, қазақстандық тауар өндірушілер мен жабдықтаушылардың өнімдері мен қызметтеріне жұмсалған қаржы, мемлекеттік кәсіпорындарға берілген тарифтер мен төлемдер, қазақстандық серіктеске бөлінген тиісті дивидендтер, сонымен қатар мемлекеттік бюджетке аударылған салық және роялти түріндегі төлемдер кіреді.
- 2015 жылы Қазақстан Республикасына төленген тікелей төлемдердің мөлшері 8,2 миллиард АҚШ долларын құраса, 2016 жылдың бірінші жартысында аталмыш төлемдер көлемі 2,6 миллиард АҚШ долларын құраған болатын.
- 2016 жылдың бірінші жартысында ТШО қазақстандық тауарлар мен қызметтерді пайдалануға 800 миллион АҚШ доллары шамасында қаржы жұмсады, оның 200 млн. АҚШ доллары КҚЖ-ҰЕҚБЖ аясында жұмсалды.
- 1993 жылдан бастап ТШО қазақстандық мекемелердің 21 миллиард АҚШ долларын құрайтын тауарлары мен қызметтерін пайдаланды.



# Теңізшевройл Деректер мен дәйектер

2016 жылдың 1-жартысы бойынша қорытынды мәлімет

## Қызметкерлер:

- Қазіргі таңда ТШО-да жұмыс істейтін қазақстандық қызметкерлердің үлесі 1993 жылғы 50% көрсеткішпен салыстырғанда 86% құрайды.
- ТШО-дағы жергілікті ұлттық басшылардың, орта буын жетекшілерінің үлесі жалпы басшылық құрамның 74% құрайды. Кадрларды оқыту және шыңдау жөніндегі тұрақты бағдарламаны жүзеге асыру нәтижесінде жауапты басшылық лауазымдарға тағайындалған жергілікті қызметкерлер қатары көбейе түсуде.

## Әлеуметтік салаға үлес:

- 1993 жылдан бастап ТШО өз қызметкерлері мен жергілікті тұрғындардың игілігі үшін Атырау облысының әртүрлі әлеуметтік жобаларына 1,2 миллиард АҚШ долларынан астам қаржы жұмсады.
- 2016 жылдың «Игілік» ерікті әлеуметтік инфрақұрылым бағдарламасы бюджеті 25 миллион АҚШ долларын құрады. Аталмыш қаржының негізгі үлесі Атырау облысында балабақшалар, мектептер және басқа да әлеуметтік нысандардың құрылысына жұмсалады.
- 2016 жылы Атырау облысының денсаулық сақтау, білім және оқыту салаларының сапасын жақсартуға көмектесу үшін ТШО-ның әлеуметтік инвестициялар бағдарламасына 1 миллион АҚШ доллары шамасында қаржы бөлінді.

## Келешек кеңею жобасы - Ұңғы ернеуіндегі қысымды басқару жобасы

- 2016 жылдың шілде айында ТШО серіктестері Теңіз мұнай кен орнының өндірістік қуаттылықтарын арттырудың келесі кезеңі болып табылатын Келешек кеңею жобасы-Ұңғы ернеуіндегі қысымды басқару жобасын (ККЖ-ҰЕҚБЖ) қаржыландыру жөніндегі ақырғы шешімнің қабылданғаны туралы жариялады.
- ККЖ-ҰЕҚБЖ құрылысы тиімділіктерді едәуір арттырып, қаражатты үнемдеу мақсатында бір уақытта орындалып жатыр.
  - ККЖ жылдық мұнай өндірісі көлемін шамамен 12 миллион тоннаға немесе тәулігіне 260 мың баррельге артып, жылына шамамен 39 млн. тоннаны немесе тәулігіне 850 мың баррельді құрайды. (тәулігіне 260 мың баррельге) арттыруды көздей отырып, ТШО-ның сәтті жүзеге асырылған өндірістік қуаттылықтарды кеңейту бойынша ШГА/ЕБЗ жобасының тәжірибесіне сүйенеді.
  - ҰЕҚБЖ ұңғы ернеуіндегі қысымды төмендету және қолданыстағы алты технологиялық желілердегі қысымды арттыру арқылы Теңіз кен орнында қолданыстағы зауыттардың өндірістік қуаттылықтар жүктемесін қамтамасыз етеді.
- ККЖ-ҰЕҚБЖ жабдықтарының негізгі көлемі Қазақстан, Оңтүстік Корея және Италияда жасалады және алдын ала даярланған модульдер ақырғы құрастыру үшін Теңізге жеткізіледі.
- ККЖ-ҰЕҚБЖ нобайлық жобалауы аяқталды және жұмыстық жобалауының 54%-ға жуығы тәмамдалды. Қазіргі таңда жеткізілуі ұзақ мерзімді тауарлар мен материалдарды сатып алу жұмыстары, сондай-ақ Теңіздегі жобаның негізгі инфрақұрылымдары бойынша ерте кезеңдегі құрылыс жұмыстары жүзеге асырылуда.
- Құрылыс жұмыстарының қызған шағында шамамен 20 мың жұмыс орнының ашылуын қоса есептегенде ККЖ-ҰЕҚБЖ Қазақстан Республикасына айтарлықтай экономикалық пайда әкеледі.
- ТШО қазақстандық жабдықтаушыларды ККЖ-ҰЕҚБЖ үшін жобалау, сатып алу және модульдерді дайындау қызметтеріне белсенді түрде жұмылдыруда. Қазіргі таңда 1500-ден астам қазақстандық компания алдын-ала іріктеуден өтті және 752 қазақстандық компания біліктілікті алдын ала бағалаудан өтті.
- ККЖ қазақстандық кәсіпорындар мен қызметкерлер үшін жоғары технологиялық жабдықтарға қызмет көрсету, жаңа оқыту ұйымдары және модульдерді жасап шығару әлеуеті секілді жаңа мүмкіндіктер туғызады.